



saksframlegg

Dato:	Referanse:	Vår saksbehandlar:
19.01.2015	3722/2015	Hans Blø

Saksnr
KO 3/15**Utval**
Kontrollutvalet**Møtedato**
28.01.2015**Prosjektskisse - forvaltningsrevisjonsprosjektet "Ferjeamboda, kostnadsutvikling, kapasitet og tilbod"****Bakgrunn**

Prosjektet om ferjeamboda vart prioritert til utføring som nr 2 i 2015, med levering til møtet i kontrollutvalet i mai. Fylkesrevisjonen er beden om å utarbeide eit utkast til projektskisse, som er vedlagt. Som følgje av permisjonar har det blitt litt kort tid å utarbeide eit fyldig løysingsforslag, men utkastet vil bli utdjupa i møtet.

Vurdering

Ferjedrifta er viktig for fylkeskommunens omdømme, og innbyggjarane er opptatt av at tilbodet er godt og formålstenleg, med tilstrekkeleg kapasitet og kvalitet. Samstundes er ferjedrift ei kostbar form for kollektivtrafikk, der budsjetttrammene blir utfordra ved at den løpande kostnadsauken er større enn det inntekspotensiale fylkeskommunen kan rekne med. Handlingsrommet for å betre tilbodet blir dermed svært avgrensa. Prosjektet kan belyse nokre av årsakene til at situasjonen er blitt slik, og følgjene det har fått.

Det har vore særleg fokus på standarden på ferjene, både dei som er i ordinær trafikk og reserveferjene, og at enkelte av desse ikkje «held mål» i høve til krava på ferjestrekninga der ferja blir brukt. Det blir foreslått som ei eiga problemstilling å vurdere kontraktsoppfølginga omkring dette.

Medlemene blir oppmoda om å kome med innspel til problemstillingane, eventuelt forslag til andre problemstillingar.

Forslag til vedtak:

Kontrollutvalet sluttar seg til skissa for prosjektet «Ferjeamboda, kostnadsutvikling, kapasitet og tilbod». Kontrollsjefen får fullmakt til å godkjenne mindre endringar i skissa, med tilbakemelding til kontrollutvalet.

Hans Blø
kontrollsjef

Vedlegg

1 Utkast til projektskisse

Behandling i Kontrollutvalet - 28.01.2015

Rådgivar Heidi Nerland orienterte om status i skissa for prosjektet «Ferjeamboda, kostnadsutvikling, kapasitet og tilbod» og svarte på spørsmål i møtet.

Det vart fremma følgjande fellesforslag som tillegg til tilrådinga frå kontrollsjefen:

«I tillegg ber ein om å få talfesta el-bilar på ferjene og inntektsbortfallet i samband med det.»

Votering:

Tilrådinga vart samrøystes vedteke.

Fellesforslaget vart samrøystes vedteke.

Samrøystes vedtak i Kontrollutvalet - 28.01.2015

Kontrollutvalet sluttar seg til skissa for prosjektet «Ferjeamboda, kostnadsutvikling, kapasitet og tilbod». Kontrollsjefen får fullmakt til å godkjenne mindre endringar i skissa, med tilbakemelding til kontrollutvalet.

I tillegg ber ein om å få talfesta el-bilar på ferjene og inntektsbortfallet i samband med det.